

cccxciiij

Das dritte buch

rumb an/vnnd gleicherweis wie das glück auff den gestrigen tag auff der Alemanier/ also kam es auff disen tag auff Clodouei vnd der Francier seiten. Die Alemanier wurden in die flucht geschlagen/vil gefangen/ desgleichen jr König getödt. Nach diser schlacht hat Clodoueus yngenommen vnnd vnder sich bracht die ganze landschafft der Alemanier. Als nemlich von dem ynfluß des Neckers in den Rhein bey Heydelberg/ das land hinauff in Schwaben/ Schwarzwald/ Bodeniße/ Algôw/ Etschland zum theil/ das auffer oder primam Aetiam bis an Churwalen vnnd hie jhener des Rheins der Heluetier land bis an die Reuß/ desgleichen ein theil der Sequanier/ auch die landschafften Basler vnd Strassburgers bisthumbs/ vnd weiter den Rhein hinab durch das Wasgôw/ vnd also ist Heluetia das mehrer theil vnd die jezgedachten landschafften/ von diser zeit anno Christi 500. vngefählich durch die leibærben Clodouei beherscher vnd regiert worden/ bis zu den zeiten Childerici des dritten/ wie nachfolgt/ wölcher durch anrichtung Zacharie des Papssts von den Franzosen abgesetzt/ vnd an sein statt erwolt Pipinus des grossen Caroli vatter. Vnd ehe wir für vns nemen Pipinum vnd seinen sun/ wöllen wir vorhin ordenlich erzelen die König so nach Clodouem bis auff sie in gemelten ländern regiere haben.

Hie volgen die Christlichen König die in Gallia

bis auff den grossen Keyser Carlen regiert haben.



Clodoueus (sunst Ludouicus) der erst Christen König vnder den Francis/ hat regiert anno	500
Childebertus Clodouei sun/ stiftet Sant Germans bey Paris/ anno	514 559
Clotarius Childeberti brüder/ ein tyrannisch müetwillig man	
Aribertus Clotarij sun/ ein grosser ehbrecher	164
Chilpericus Ariberti brüder/ erödt sein weyb vnd nam ein andere/ anno	573
Clotarius der ander Chilperici sun/ überwand die Sachsen	587
Dagobertus Clotarij sun/ stifter viler Kirchen. In seinen zeiten wurden gebawen die clöster S. Gall vnd Wyffenburg.	
Clodoueus der ander Dagoberti sun/ milt gegen den armen	645
Clotarius der dritt/ Clodouei sun/ regiert durch seinen hoffmeister Ebroinum/ anno	662
Theodoricus des vordren Clotarij brüder/ regiert auch durch seinen hoffmeister anno	666
Childericus der ander Theodorici brüder/ ein tyrannisch mann	677
Clodoueus der dritt/ Theodorici sun	693
Childebertus der ander/ gemelts Clodouei brüder. Sein hoffmeister Pipinus gebor von Alpiade ein ledigen sun Carolum Martellum	697
Dagobertus der ander Childeberti sun. Sein hoffmeister was Carolus Martellus Pipini lediger sun. Diser bracht vmb in einer schlacht drey hundert tausent vnd fünf vnd achtzig tausent Saraccenen. Er bezwang auch die Schwaben/ Sachsen vnd Beyern/ regiert anno	715
Clotarius der vierdt Dagoberti brüder	719
Theodoricus der ander Dagoberti sun. Bestetiget die stiftung der Abtey Murbach	726
Childericus der dritt/ des nechsten Theodorici sun/ der letst von der liny Clodouei/ anno	741
	Diser

Diser Childerici
ein closter
li Martelli
Pipinus Kü
Anno 750.
Diser Pipinus
überwand
den Papsst
Hartom
grossen



setze/ angesehen
hat zu ein Sach
vnd Paphy au
dempt. Er hat
chen tempel ge
ster auffgerich
den begabte/ w
Almeigôw gel
Rheins vnp
vnd in vylen
feind/ vnd mie
len hat kein gro
ber gelassen/ w
hat grosse vnd se
der die Longoba
krieg gefürt in l
einem jeden orb
ditt vyl erliche vo

